

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in piazze Contarene e in Borg S. Bartolomio

Abonaments par l'interno un An quatri francs: 6 mes doi francs: par l'estero il dopli.
Inserzioni: intindisi cu l'Aministrazion. Mandà i bez cun letare raccomandade o in vaglia postal al sempis indirizz: — **Aministrazion dal Florean dal Palazz, Udin** —

STORIELIS DI FLOREAN



E dirès che a Udin no sucedin aventuris picàns, apétitos, degnis di vigni registradis.

Ce oleso mior da la fughe in Spagne di ches dos tortorelis: il corist e l'ustere? No mo ce doi colombins? E je vere che no son frutàs plui nè un nè l'altri, ma cui i comande al cur?

L'amor al ha i siei misteris e po dopo lui, al è stat ancemò in Spagne, la tiare classiche des aventuris amorosis, al ha provat la fuarze iresistibil di une fughe in compagne da l'ogèt che al ocupe dugg i siei pinsirs!

Tant plui po che chest ogèt al ha il privilegio di vè cun se une somute non disprezabil, cussi come un quatri mil francs, par podè là, lontans, confuartasi cun qualche buine butilgie di Malaga e tocià dentri il famòs pan di Spagne.

Nome a pensai sore e ven l'aghe in boce, e cui sa ce tantis voltis che il corist al si

sarà insumiat di cheste gnove felicità, di chest guuv pan butir, di chestis butilgis di Malaga, di chest pan di Spagne!

E dit e fat, une biele di, bruta pal puar marit da ustere, che al restà cu lis mans tai ciavei senze la femine e senze i béz, e han stabilì il lor plan da la fughe: fughe romantiche, abelide da qualchi duèt d'amor in dutis lis manieris, in prose e in poesie.

Mi par di sintilu là, il ganimede, a ciantà cun t'one vòs cressude di chell pòc cul rinfuarz da l'arzàn, i plui biei piezz di opare, e jè a fai di second!

Bràs, ma bràs si po! Par altri, sul plui biell, al podarès capitai qualchi ciosse a disturbalis la vie tal lor nid, lis dos colombis, parcè che dopo dutt, jo no sai se al sei permitut, in cheste epoche di progress, di fa di chestis fughis, senze che l'Autoritat e meti dentri la so man. O capis che cumò e jè di mode la fuarze iresistibil e che si po robà e assassinà il prossim, parcè che i giuràs e asolvin! Bastè e starin a viodi come che va a finissi la storiè!

LETTERATURE DI FLOREAN

FLOREAN IN GRINGULE

Ah, soi content lafè!!

Dopo che si è in *quarante* a tirà il ciar;

ce devant ce daür,

al vè ch'al è un plazè,

no minghe par insù

ce crodissis... oibò,

ma al trote, chiell demoni, par insù. (1)

Vino des ruedis rotis

o che ur mance il passèl?

ce impuarte ch'est? son fotis;

se va la plume, resterà l'usciel.

Però, bisugne dilu a onor dal ver,

che iu avocàs e i siors
lustrissins professors
san chei che plu di dugg edàn di schene
pur che sedin in vene —
Lassait dunce, Furlans, co' torni a di
o soi propri contènt malafesi.
Dopo che si è in *quadrante* a tirà il ciar
ai vè ch'al è un plazè ... se anco nol par!

(1) Ossei viars l'*excelstor* di Facanapa!

COMUNICAT DI FLOREAN

E han reson chei far de puarte Glemone
di corponà cuintri i siors dai *pozzi neri*.
L'altre sere o soi stat a bevi un quintin di
là dal puint. In anime me, vignive ju di
Vat un tal tuff, che mi ciolè il fiât e a mo-
mens o colavi te voe. Fortune che fin cumò
vin vud l'unviar fred; ma se scomenze a
regnà il siroco, a rivvidisi sior nas. Dovà-
rin stropàiu cul bombas. Sarèss plu di just
di stropà la bocce cun chell che mi capis a
chei lustrissins, che propri cult e han plan-
tat il dipuesit des lor spizieris. Ma feve-
linsi clar. No ise une vergogne, une bieie
serovetât, che siors in guans e fasin i mar-
cièdanz di ledàn? Cè hano di di i forestir
de nestre civiltat?

Pasienze che lor fasessin chell mistir e
che ciolèssin la man a chei di Folett, pur
chè no speculassin su la nestre salut e ri-
spetassin la lezz, come la rispetin noaltris!
Lor par vè il mezzad plu viein lu han plan-
tat sott vint e quasi a riduèss des ciass, e
cussi nus impestin di di e di gnott. E chei
dal Municipi e tasin? Hano forsi paure in
qualchi conseir, che al è socio dai *pozzi neri*?
Sicur! Za qualche timp a lis diis di
matine pal puint di Puscuell al passave un
ciar di ledàn, che da dutis lis bandis al
spandeva aghe di Cologne. Se paron di chell
ciar al foss stat un contadin, quar mai lui!
Ma

E po e diràn, che sin senze creanze no-
altris contadins, noaltris fur de puarte! Une
biele creanze e jè che di vigninus a impe-
stà a ciase nestre! No paino forsi noaltris
come chei dal caffè Gnuv, dal caffè Corazze,
dal caffè de Nav? Noaltris no pretendin,
che a spesis publichis nus vegnin dos tre
voltis in di a sborfà il borg; ma ben vin
il diritt e podin pretindi, che nissun vegni
a corompi Pajar, che lddio nus mande pur
e che al è necessari a la nestre salut.

Siors socios dai *Pozzi neri*, se no baste
fevelaus sott vò, in une, drete, fevelarin
plu fuart e an plaze. *Un contadin*

DA LA ZAW DI FLOREAN

Il *Citadin Todesch* al ha fate une gran
biele souviarte. Savès, che i Protestans e
han viarte in Marciatvieri la lor glesie. Il
Citadin, sugerit dal Spirt Sant, come sim-
pri, al ha ditt, che chell att, al è un ori-
bil sacrilegio e che par riparala bisugne
là a ciolà la Madone di Grazie e puartale
in Domo e fa in onor zo une solene funzion.

Me comari Marie-Luigie e miò copari
Vinturin e saressin curios di savè la reson
di là a ciolà la Madone di Grazie e di puar-
tale in Domo; e mi domandin, se la Mado-
ne a ciase so no ha crelis, no sint com-
passion, no je disposte a perdonà, a esaudi
come che farèss in Domo? Marie-Luigie, che
e jè plepe di baronade, dubite, che ai cia-
lunis jur pese di là a Madone e voressin
che par major glorie di Dio e vegniss la
Madone a ciataju in Domo.

Starin po a viodi, se sior Sandri e mestri
Toni permetaràn che si jemplin di carantans
lis borsis dal Domo e no ches de Madone
di Grazie, piardind senze nissune reson il
cent par cent.

Jo cun dutt il rispiett a l'autoritat dal
Citadin Todesch o soi persuadut di no viodi
cheeste zarlatanade, che darèss mutiv ai con-
tadins di di, che i beghins a Udin no han
nance sens comun.

Un professor di nestre cognossinze, gior-
nalist di un caratar dutt di un piezz, al ha
la virtut anco di fa dai zughès di fa de-
ventà ross un prestigiatior.

Sintiit cheste. Un mestri comun al scriv
corispondenzis sun t'un sfuei contrari al
Ministero Depretis, il bon paron dal pro-
fessor. Cè fasial chest, par impedi che il
mestri al continui a scrivi in chell sfuei?
In un giornalt umoristich lu denunzie ai
siei superiors metingi non e cognon e qua-
litas, fasind cussi il nobil mistir di spie!
Par persuadessi viodi il *Sior Antonio Tam-
buro* da l'altre setemane. E cheste e jè la
moralitât dai difensors dal nestri Guvier!

Ce ul di che no si viod ancemò nissune
Epigrafe al monument di VITTORIO EMA-

NUELE? No che dal Massarani, no che deliberade dal Consei Comunal... nissune! Bravè la siore Giunta, mi consoli eun je; cussi va fatt, sacre de vanzeli!

Le leggi son, ma chi pon mano ad esse?

E i puars Pantalons cori a pajà? Magari piès!

Sior Tite al è su dutis lis furis parce che finalmentri al è vighut in clar de scandalose condote de so femine.

— Puar ami! I diis un so copari, se tu savessis ce tante part che o hai vut te la disgrazie!

— Come!.... ance tu!... al sberle plui inrabiato chell infelz marit.

Sul fin di un gustà:

La parone di clase a un sior vecio che al ha gustat la di jè pe prime volte:

— I je tociat di sinti unmontis di stupidaginis....

— Si al è ver, ma no mi displas, ciaro siore....

— ??

— Viodie; chest al prove che no soi ancemò diventat sord.

Dugg e san che par quant birbans e sein i fiis, i paris, par chell sentiment che al derive dal vincu dal sang, e procurin di seusajù o almanco di diminuì la gravitat des lor colpis.

Ce hal di vè fatt alore chell fi il cui pari al rive a d'ore di di: *miò fi al è una figure porche?*

Epur chest al diseve simpri il pari di un professor, feveland di chell biell mobil di so fi. E ce perle che al devi sei, no mo?

Un autor dramatic al presente une tragedie in cinq às a un diretor di teatro:

— Ch'al si figuri!.... o hai spint il tragic al pont che dugg i miei persopagios e muerin tal tiaz at.

— E cui recite potai altris doi?

— Lis ombris di chei che o hai copat tai tre prins.

I abitans dai borgs Vilalte, Ciastelan e dugg chei borgs che par la brute maniere eun cui e son tignus; feveland simpri di pulizie, no somein par nuje che apartegnin e che formin la citat di Udin, la capital

dal Friul; insume chesg abitans disgraziats massime te domenie a dutis lis oris de santè gnott, e son in un continuo gioldi chei coros infernai; mior di uelos di ches compagnis che han d'ban bevut un pòc di masse. Se chestis compagnis dopo passade l'ora stabilide si metessin a fa chestis serenadis tal centro de citat, lis uardis di costure e comparissin subit a sobvetaju vie, e cussi e van a finile a secia tìtetui in tai sudets borgs, dula che nissun ju secia e che püedin sberia fosse lunge la gnott.

Bernardin, che da qualche timp al è senze impiego, spassizand l'altre di in piazze Contarone al incontre Pierile i domander:

— Sestu ocupat?

— Si.

— Finalmentri! E ce fastu?

— O cir impiego.

Robis di chest mond.

Une cartoline di là dal Tajament mi informè come qualmentri une femine di novante un an e jere in jett maladone. Quand che i ven anunziat che il so antich moròs di nujemanco che novante agns al steve par sposasi.

La femine alore sdegnade, e sberia, prime di fa chest pas che al adempissi ai sei dovès eun mè!

Al caffè gnuv; dialogo tra doi taetabars:

— Imaginiti che la vedue M.... in che età avanzade, e ha ricevut un'ufiate di matrimoni.

— E di cui, dal dual?

— Di un antiquari!

In une conversazion, al caffè Corazze, dopo gustat, si fevele di'aventuris.

Jacumut, miezz legri, al conte une buine fortune, che i jè capitade zà timp.

— Sicur, jo i strenzevi la so man te me, i nestriz zenoi si tociavin, jo arditamentri la strenzevi ator la vite, e alore la siore C....

— Ohe là, al saltè su un presint, vo no savès che la siore C.... e jè me cusine e che a jè une femine oneste.

— e alore la siore C.... mi ha dàt un par di sberlis.

Mi scrivin:

« Une sere a 9 e miezze, jo e un mào

FLOREAN DAL PALAZZ

- AL SALTE FUR LA JOIBE -

OGNI DOI NUMARS 5 CENTESINS L'UN — BEZ SUBIT

Si vendin là vie da l'Edicole e là dai Tabachins in piazze Contarena e in Borg S. Bartolomio

Abonaments par l'interno un An quatri francs: 6 mes doi francs: par l'estero il dopli.
Inserzioni: intindisi cu l'Aministrazion. Mandà i bez cun letare raccomandade o in vaglia postal al sempis indirizz: — **Aministrazion dal Florean dal Palazz, Udin** —

STORIELIS DI FLOREAN



E dirès che a Udin no sucedin aventuris picàns, apétitos, degnis di vigni registradis.

Ce oleso mior da la fughe in Spagne di ches dos tortorelis: il corist e l'ustere? No mo ce doi colombins? E je vere che no son frutàs plui nè un nè l'altri, ma cui i comande al cur?

L'amor al ha i siei misteris e po dopo lui, al è stat ancemò in Spagne, la tiare classiche des aventuris amorosis, al ha provat la fuarze iresistibil di une fughe in compagnie da l'ogèt che al ocupe dugg i siei pinsirs!

Tant plui po che chest ogèt al ha il privilegio di vè cun se une somute non disprezabil, cussi come un quatri mil francs, par podè là, lontans, confuartasi cun qualche buine butilgie di Malaga e tocà dentri il famòs pan di Spagne.

Nome a pensai sore e ven l'aghe in boce, e cui sa ce tantis voltis che il corist al si

sarà insumiat di cheste gnove felicità, di chest guuv pan butir, di chestis butilgis di Malaga, di chest pan di Spagne!

E dit e fat, une biele di, brute pal puar marit da ustere, che al restà cu lis mans tai ciavei senze la femine e senze i béz, e han stabilì il lor plan da la fughe: fughe romantiche, abelide da qualchi duèt d'amor in dutis lis manieris, in prose e in poesie.

Mi par di sintilu là, il ganimede, a ciantà cun t'one vòs cressude di chell pòc cul rinfuarz da l'arzàn, i plui biei piezz di opare, e jè a fai di second!

Bràs, ma bràs si po! Par altri, sul plui biell, al podarès capitai qualchi ciosse a disturbalis la vie tal lor nid, lis dos colombis, parcè che dopo dutt, jo no sai se al sei permitut, in cheste epoche di progress, di fa di chestis fughis, senze che l'Autoritat e meti dentri la so man. O capis che cumò e jè di mode la fuarze iresistibil e che si po robà e assassinà il prossim, parcè che i giuràs e asolvin! Bastè e starin a viodi come che va a finissi la storiè!

LETTERATURE DI FLOREAN

FLOREAN IN GRINGULE

Ah, soi content lafè!!

Dopo che si è in *quarante* a tirà il ciar;

ce devant ce daür,

al vè ch'al è un plazè,

no minghe par insù

ce credissis... oibò,

ma al trote, chiell demoni, par insù. (1)

Vino des ruedis rotis

o che ur mance il passè?

ce impuarte ch'est? son fotis;

se va la plume, resterà l'usciel.

Però, bisugne dilu a onor dal ver,